

Ti Temporario a Pagtaengan nga Ipapaay ti FEMA Para Kadagiti Nakalasad iti Uram iti Kabakiran ket Agtultuloy Agingga iti Pebrero 2026, a Mangsuporta iti Agtultuloy a Panagpaimbagda

Release Date: Oktubre 9, 2024

HONOLULU – Iti kiddaw ti estado ti Hawai'i, inaprobaran ti Pederal nga Ahensia a Mangidadaulo iti Emerhensia (Federal Emergency Management Agency, FEMA) ti maysa a tawen a pannakaituloy ti Programa para kadagiti Indibidual ken Balay (Individuals and Households Program, IHP), a pakairamanan ti Tulong Pinansial (Financial Assistance) ken Direkta a Temporario a Tulong iti Panagpabalay (Direct Temporary Housing Assistance) para kadagiti nakalasad kadagiti uram iti kabakiran iti Maui.

Ti 18 a bulan a damo a panawen ti tulong para iti FEMA IHP ket agpatingga koma idi Pebrero 10, 2025 ngem ita ket maitultuloyen agingga iti **Peb. 10, 2026**.

Iti sidong ti Robert T. Stafford Disaster Relief and Emergency Assistance Act, mabalin a paatiddogen ti FEMA ti panawen ti tulong gapu kadagiti naisangsangayan a kasasaad. Dagiti uram iti kabakiran idi napan a tawen ti nangpataud iti awan kapadana a pannakadadael iti Lahaina ken nangapektar kadagiti adu a sangakabbalayan, negosio, komunidad ken iti imprastruktura iti Maui.

Ti FEMA ket makitinnulong iti estado ti Hawaii, kadagiti lokal nga opisial, ken kadagiti boluntario tapno matulongan dagiti nakalasad kadagiti temporario a pagtaengan a mangbirok kadagiti permanente a solution. Ipapaay met dagiti mangimatmaton iti kaso ti didigra ti nai-personalize a tulong.

Immanamong ti FEMA iti Direkta a Panagpaabang (Direct Lease) kas maysa a kita ti Direkta a Temporario a Tulong iti Panagpabalay (Direct Temporary Housing



FEMA

Page 1 of 3

Assistance) idi Septiembre 2023 ken agdama nga addaan iti 1,194 a sangakabbalayan nga agnanaed kadagiti yunit nga ipapaay ti FEMA.

Kabayatan ti napaatiddog a panawen ti panangtulong, dagiti nakalasad nga agtultuloy nga agnaed iti temporario a pagnaedan nga impaay ti FEMA ket manamna a mangiproseson iti permanente a planoda a pagnaedan ken mangrugidan nga agbayad iti renta, depende iti pinansial a kabaelanda. Ti gatad ti abang ket maibatay iti Nainkalintegang nga Abang iti Merkado (Fair Market Rent) ti Departamento ti Panagibangon ken Urbano a Panagrang-ay iti E.U. (U.S. Department of Housing and Urban Development, HUD).

Mangipatulod ti FEMA kadagiti agnanaed iti nasakbay a pakaammo maipapan iti kasapulan para iti panagabang.

Dagiti agnanaed a mangipaay iti dokumentasion ti sueldoda kalpasan ti didigra a makagaw-at wenno nababbaba ngem iti limitasion ti nababa unay a matgedan ti HUD ket kualipikado iti naan-anay a nababa nga abang a \$50 iti kada bulan a di kasapulan ti agapelar ken mangisubmitir iti dokumentasion dagiti gastos iti balay sakbay wenno kalpasan ti didigra.

Dagiti agnanaed nga ad-adu ti sueldoda ngem iti limitasion ti nababa unay a matgedan ti HUD ket masapul laeng a mangipaay iti dokumentasion dagiti gastos iti balay kalpasan ti didigra para iti FEMA tapno maammuanda ti kaadu ti mabayadan a renta a maibatay iti pinansial a kabaelanda.

Mangisayangkat ti FEMA iti outreach tapno matulongan dagiti agnanaed kadagiti temporario a pagnaedan kadagiti dokumentasion a kasapulan tapno matingiting ti kabaelanda nga agbayad. Nadisenio daytoy a panagregget tapno maksayan ti panagkasapulan dagiti agnanaed nga agapelar iti gatad ti abang nga inkeddeng ti FEMA.

Para iti ad-adu pay nga impormasion maipapan iti temporario a pagnaedan, tawagam ti Hotline ti Individual a Tulong iti Pagtaengan (Individual Assistance Housing Hotline) iti **808-784-1600**. Wenno kontakem ti **2-1-1** tapno madanunmo ti programa a panangtarawidwid iti kaso ti didigra.

Mabalinmo met a tawagan ti FEMA Helpline iti **800-621-3362**. Matulongannaka dagiti operator ti helpline iti adu a pagsasao. No agus-usarka iti serbisio ti relay



kas iti Video Relay Service, serbisio ti telepono nga addaan kapsion wenno dadduma pay, laglagipem nga ited iti FEMA ti numerom para iti dayta a serbisio no ag-apply-ka.

Mabalinmo ti makagun-od iti personal a tulong iti:

Lahaina Gateway (iti abay ti Ace Hardware)

Maui County Office of Recovery - West Maui

8 a.m. - 4:30 p.m.

CNHA Office (iti abay ti Maui Mall)

K?ko?o Relief & Aid Services Center

153 E. Kamehameha Ave. Suite 101

Kahului, HI 96732

9 a.m. - 5 p.m.

Para iti kabaruan nga impormasion iti panangikagumaan para iti panagpalaing gapu iti uram ti kabakiran iti Maui, bisitaen ti mauicounty.gov, mauirecovers.org, fema.gov/disaster/4724 and [Hawaii Wildfires - YouTube](#). Suroten ti FEMA iti social media: [@FEMARegion9](#) ken facebook.com/fema. Mabalinmo pay ti makagun-od iti impormasion maipapan iti tulong iti didigra ken i-download dagiti aplikasion iti sba.gov/hawaii-wildfires.



FEMA

Page 3 of 3